



**Nunatsinni meeqqat atualinnginnermini, perorsaanikkut inerikkiartuutaasunik qanoq iliornikkut ulluunerani tamarmik neqeroorfigineqartarnissaat pillugu apeqquteqaat aallaavigalugu oqallinnissamik siunnersuut.**

(Inuit Ataqatigiit Inatsisartutgruppe)

Siunnersuuteqartumut qujavunga qulequtaq oqallisigissallugu pingaaruteqartoq qaqqimmagu.

Perorsaanikkut inerikkiartuutaasut meeqqeriviit meeqqatta suli atualinngitsunut tamarmik periarfissarisagaat kissaatigaagut. Nunamili maani sumiiffinni tamani meeqqeriviit ineriakkiartuutaasut qanoq qularnaassanerlugu aaqqiissutissaqartinnngilarput tassa qanoq iliorluta atorsinnaasunik aaqqiissutissanik qularnaarissanerluta tamanut atorsinnaasunik. Piffissami matumani pingaaruteqarpoq, iliuitsinik eqqussingaangatta politikikkut aalajangikkanik, qularnaarisarnissarput eqqortuunissaannik aamma naammattuunissaannik aalajangeeqqaarnitsinni aamma pisariitsumik aqunneqartarnissaat kiisalu piviusunnngortitsisassasugut innuttaasut suleqatigalugit.

Taamaattumik nuannaarutigaarput Naalakkersuisut kommunit suleqatigalugit immikkoortoq misissormassuk, taamaasiornikkut siunissami ilisimasaqarnerulluta oqallissinnaalissaagut, nuna tamakkerlugu meeqqanut sinaakkutit eqqarsaatigalugit kiisalu ilinniarniq, ilinniaqqittarneq piginnaasallu paasiniarnissaat eqqarsaatigalugit perorsaasut imaluunniit ilinniarsimanngitsut meeqqanik suli atualersimanngitsunik sullissisut aamma meeqqanik taakkunani paaqqinnittarfinniittunik.

Demokraatini annertuumik nersualaarusuppagut ilaatigut Perorsaanermik Ilinniarfik kiisalu Peqqissaanermik Ilinniarfik, nunami maani perorsaanermut peqqinnissamullu naleqquttunik pikkorisnaanermik ilinniakkanillu naleqqussaajuarmata, ineriartortitsiuarmata neqerooruteqartarlutillu. Pissarsinarpoq aamma nuannerpoq nunami maani sulisunik taamanna angusaqarusussuseqarlutik ilinniartitsimmata piginnaanngorsaallutillu.

Meeqqat perorsaanikkut inerikkiartuutaasut meeqqeriviit pisariaqartippaat aamma isumaqarpugut suliamut tassunga kalaallit kulturiata ilanngunneqarnissaa eqqarsaatigisariaqarippat. Meerarpassuit inuunerminni ukioq siulleq angerlarsimaffimmini paarineqartarput, ilaat allaat atualernissartik tikillugu. Amerlaqisut angajoqqaaminnit, aanaakkuminnik, illortaaminnit aamma angaakkuminnit akkaakkuminnit paarineqartarput aamma pisortanit sualummik sumiiffinni minnerni, allanilu toqqortatut paarineqartarput taamaattumik ilaqutariinni paarineqartarnerat ajoriinnagassaangilaq.



Pisortalli aamma pisariaqartippaat nunami maani ilaqtariinnut meerartalinnut attaveqarnissartik pisariaqartippaat - sapinngisamik siusinnerpaamik, ilaqtariit ulorianartorsiorsinnaasut imaluunniit ulorianartorsiulersinnaasut ikiorneqarsinnaaqqullugit imaluunniit malinnaavigineqarsinnaaqqullugit meeqqat inuunerata aallartinnerani aalajangiisuullunnarsinnaasumi, taamaattumik Demokraatini immikkut Naalackersuisunut inassutigissuarput, eqimattat taakku pisortanut attaveqatigiittarnerat attaveqartarnerallu malinnaavigissagaat.

Demokraatini tamatuma saniatigut takorloorsinnaakuttoorparput illoqarfinni minnerni aamma nunaqarfinni angajoqqaat, anaanangorlaat ataatanngorlaallu neqeroorfigineqarsinnaasut qitornamik paarineqarfiini ikiuuttarnissaannut. Tassa angajoqqaat meeqqueriviit suleqatigalugit suleqataasassasut, meeqqanik peqateqarlutik kiisalu najukkami meeqquerivimmik pitsanngorsaaqataallutik ineriartortitseqataanissaminnut, meeqqueriviit imaluunniit paaqqinnittarfiit isumassarsittarlugit ikorfartorlugillu meeraq eqqarsaatigalugu. Tamanna immikkut isumaqarluarpoq sumiiffinni minnerni.

Angajoqqaat tamaasillutik ernereernerup kingorna sulinngiffeqarnerup nalaani meeqqat avissaariartuaarnissaat aallartissinnaavaat - peqataallutillu meeqqap ulluini, meeqqap iperavinneginnerani, meeqqueriviit aallaqqaataaniik taamaasillutik angajoqqaanik suleqateqalersinnaapput.

Nassuerutigisariaqarparput inuit pinngitsaalisinnaanginnatsigit perorsaasunngoqqullugit, kisianni sumiikkaluartulluunniit perusuttut ilinniartittariaqarpagut, pikkorissartariaqarpagut aamma piginnaangorsartariaqarpagut, angusassatut kissaatigisarput angujumallugu pisariaqarporli immikkoortumi kommunit Naalackersuisullu piffissaq ungasinnerusoq isigalugu pilersaarusiornissaat aamma anguniagassanik tikkuussinissaat. Suliarlu aallartereerpoq.

Demokraatini ilungersuutigaarput sulit ilinniartinneqarnerisa sakkortusinissaat - aamma ilinniarsimangitsut eqqarsaatigalugit, nunaqarfinni tamani eqqarsaatigalugu sumiginnaasoqartillugu, paarsinerluttoqartillugu aamma sulinermi tujormisoqartillugu nalunaaruteqartarnissamut pisussaaffeqarneq pillugu perorsaanikkut inerikkiartuutaasumik ineriartortitsilluni sulinermi kiisalu immikkoortumi ilinniarnermi, piginnaangorsaanermilu il.il.

Pingaartorujorujussuuvoq meeqqat mikisut inuuneranni pisinnaatitaaffiinillu sumiginnaanerup paasipallattarnissaat aamma nalunaaruteqartoqarnerata kingorna ilqutariit, meeraq imaluunniit meeqqat iliuuseqarfipallattarnissaat.



Nunami maani meeqqat pisuussutitta annersaraat aamma apeqqutaaginnanngilaq perorsaanikkut ineriartortitsinissaq naak pingaaruteqarluinnaralutoq, kisianni aamma apeqqutaasorujussuuvoq angajoqqaat angajoqqajunissaminnut piareersimanersut imaluunniit ikorferneqartariaqarnersut.

Aamma suliami tassani tikkuassavarput nunatsinni maani utoqqaat tunniussassarpassuaqarmata aamma immaqa Nunavumisut iliorluni, utoqqaat eqqissisaasutut naleqqussaasutullu suleqataasinnaaput, sualummik meeqqat inuusuttullu eqqarsaatigalugit.

Naggataatigulli minnerunngitsumillu tikkuassavarput meeqqat sulia atualinngitsut sullinneranni ilaasariaqarsorinamata immikkoortut kulturitsinneersut, pinngortitameersut aamma perorsaariaatsitsinneersut. Taamatullu oqarearluta aamma nalunngilarput uani pisumi pissusitoqqat qimallugit eqqarsartariaqartugut nunami maani meeqperiviit ilaat ikittuinnarnik paarsaqartarmata taamaattumillu illumiittarmata mikisuni piginnaasaqartariaqaratillu illuni angisuniittutut.

Neriuppugut qarasaasiaq iluaqutigineqarnerulerumaartoq aamma pikkorissarnerit ilinniaqqinnerillu taakkuussasut nunami maani meeqqat tamarmik perorsaanikkut ineriartuutaasumik paarineqarnissaannut pisariaqartinneqartut.

Oqareernitsitut nuannaarutigaarput Naalakkersuisut kommunit suleqatigalugit aallartereersimammata immikkoortoq paasiniarlugu misissorlugulu - sinaakktissat aamma sulisunik ilinniartitsinissaq eqqarsaatigalugit aamma suliap tamatuma inernerata saqqummiunnissaa qilanaarluta utaqqissavarput.

Neriuppugut siunnersuuteqartoq Naalakkersuisullu oqallinneq isumassarsiorfigilluarsimassagaat aamma immikkoortoq ineriartortinniarlugu suleqatigiinnissatsinnut qilanaarpugut nunatsinni meeqqat iluaquserneqarnissaat pillugu.